

ՔԱՂԱՔԱԿԱՆ ՄԱՍՆ



եր ռւսումնասիրութեան վայրը չունի իւր գաւառական կենտրոնական քաղաքը, նրան փոխարինում է Զուլալէր ականը, ուր գտնուում են գաւառի բոլոր կառավարչական Հաստատութիւնները և ուր բնակւում է գաւառապետը:

Գաւառը բաժանւում է չորս ոստիկանական շրջանների՝ Բորչալուի, Լօռու, Եկատերինէնֆելդի և Թրիալէթի: Իւրաքանչիւր շրջանը կառավարւում է մի ոստիկան, որ թէպէտ Հաստատուն բնակութիւն ունի որոշ գիւղում, բայց շարունակ շրջում է իւր Հսկողութեան յանձնուած գիւղերում: Բորչալուի ոստիկանը բնակւում է Զուլալէրում, Լօռունը՝ Ջալալ-օղլում, Եկատերինէնֆելդինը՝ Եկատերինէնֆելդ, իսկ Թրիալէթինը՝ Ալէքսանդրօպօլիս գերմանական գաղութներում: Իւրաքանչիւր ոստիկանական շրջան բաժանուած է մի քանի գիւղական Հասարակութիւնների, որոնցից իւրաքանչիւրը բաղկացած է մի քանի գիւղերից: Իւրաքանչիւր Հասարակութիւն կառավարւում է մի տանուտէրով: Այսպէս՝ Բորչալուի ոստիկանական շրջանը բաժանուած է 12 Հասարակութիւնների, բաղկացած 63 գիւղերից. Լօռունը՝ 17-ի, 66 գիւղերից. Եկատերինէնֆելդինը՝ 9-ի, 51 գիւղերից և Թրիալէթինը՝ 15-ի, 113 գիւղերից:

Այսպէս ուրեմն ամբողջ Բորչալուի գաւառը բաժանուած է 4 ոստիկանական շրջանների և 53 գիւղական Հասարակութիւնների, բաղկանալով 293 գիւղերից:

Այժմ անցնենք գիւղերի նկարագրութեան: